

PDRM beri diskau saman sempena Program Setahun Bersama Kerajaan MADANI

December 3, 2023 12:44 pm

Polis Diraja Malaysia (PDRM) akan membuka kaunter pengurangan kadar kompaun saman sempena Program Setahun Bersama Kerajaan MADANI selama tiga hari bermula 8 Disember ini.

Kaunter Jabatan Pengangkutan Jalan (JPJ) juga akan dibuka selama tiga hari di pekarangan Stadium Nasional Bukit Jalil.

Turut dijangka mendapat tumpuan ialah kaunter pendaftaran Sumbangan Tunai RAHMAH (STR), kaunter pendaftaran Program Cuti-cutি Cikgu dan kaunter wang tidak dituntut (JANM).

Sementara itu, pameran pelbagai aset Angkatan Tentera Malaysia (ATM), Angkatan Pertahanan Awam Malaysia (APM) serta Jabatan Bomba dan Penyelamat Malaysia (JBPM) juga dibuka untuk orang ramai.

ATM akan membawa aset strategik dan kenderaan ringan, manakala APM menampilkan jentera Fire RescueTender (FRT) dan Special Rescue Vehicle (SRV).

Memetik kenyataan di Facebook Malaysia MADANI, JBPM pula akan mempamerkan Water Rescue Vehicle, FRT, Perkhidmatan Penyelamat Perubatan Kecemasan (EMRS) dan bot penyelamat.